

կուն առնել զՀայս , և յինքեանս յափշտակել նաեւ զվանս Ս . Յակոբայ զբնիկ վիճակ նոցա , գրեցին սուտ ամբաստանութիւն առ Եսարքոսն , թէ զհրովարտակն քոյ՝ զոր յղեցեր այսր , ոչ ընկալան Հայք , այլ մերժեալ զնոյն , տա-կաւին տիրեն վիճակին Հայեւաց : Աոյնպէս և վասն զԵղիա-ղար վարդապետէ չարախօս լեալ ասացին , թէ մատուցեալ նորա 30,000 դահեկան առ Հիւսէյին Բդեշխն Գաղայու , շինեաց անդ եկեղեցի Հայոց : Յաւելին և որ 'ի Կոստանդինուպօլիս էին Յոյնք այլ եւս ամբաստանութիւն վասն Եղիաղարու , և բազում երեւելի տրովք հաճեալ զԵսարքոսն՝ առին 'ի նմանէ հրովարտակ , զի Յունաց լիցի նաեւ Ս . Յակոբ , և Եղիաղար ուր եւ դոցի իբրեւ գլխապարտածցի 'ի Դուռն :

Իսկ ամբաստանութիւն Պատրիարքին Յունաց էր այս , յորոյ վերայ եւ հրովարտակ Արքունուստ 'ի \ Մուհարրէմ ամսոյ՝ \ ԵՂԹԻՐԻՆ : « Հայք ոչ անսացեալ Կայսերական հրովարտակաց եւ դատարանի վաւերական գրոց , հակառակ նախնական սովորութեանց . բռնութեամբ ունին ըզվանս Ս . Յակոբայ պարտիւօք և ամենայն պարագայիւք , որ էր վանք վրաց . եւ զբանալի երկաթեայ դրան Բեթղեհէմի , և յետուստ կողմանէ նորին զսենեակս Հայեւաց և Գալթոց , և զպարտէզն առաջի նոցա : Արդ վանքն այն , պարտէզքն և բովանդակ տեղիքն յանձնեսցի Յունաց , և քակեսցի որմն՝ զոր շինեցին Հայք 'ի մէջ պարտիզին 'ի Բեթղեհէմ , և բանալիքն առցի 'ի ձեռաց Հայոց :

Ի հասանիլ այսր հրովարտակի յերուսաղէմ հանդերձ սպասաւորօք Եսարքոսին , փութաց Եղիաղար եւ անկաւ 'ի դրունս մեծամեծաց և առ Բդեշխ քաղաքին Հասան Փաշայ եւ առ հայր նորա Հիւսէյին Փաշայ Բդեշխ Գաղայի , որք էին իւր բարեկամք . և 'ի ձեռն նոցա խափանեաց առ ժամանակ մի զկատարումն հրամանաց : Դիմեաց ապա եւ առ մեծ Բդեշխն Դամասկոսի , Թէյար Էղլէ՝ խնդրել օգնութիւն 'ի նմանէ : Իսկ նա՝ քանզի բազում ինչ առեալ էր 'ի Յունաց , եւ ունէր եւս 'ի ձեռին զհրաման Եսարքոսին վասն տալոյ 'ի Յոյնս զՍ . Յակոբ . սաստեաց Եղիաղարու և արգել զնա 'ի բանալի : Եւ Եղիաղար տուեալ Բդեշխին քանի մի քսակս արծաթոյ՝ արձակեցաւ , եւ խոստացաւ